

Tužilaštvo - Tužiteljstvo Bosne i Hercegovine  
Тужилаштво Босне и ХерцеговинеBroj: T20 0 KТРО 0021056 21  
Sarajevo, 21.03.2022.godine

## B O S N A I H E R C E G O V I N A

S U D  
BOSNE I HERCEGOVINE  
SARAJEVO

Na osnovu čl. 35. stav 2 tačka i), čl. 226. stav 1 i čl. 227. Zakona o krivičnom postupku Bosne i Hercegovine, podižem

## O P T U Ž N I C U

*protiv osumnjičene:*Zdravke Bošković, [REDACTED] rođene 1980. godine u Zenici,  
[REDACTED] državljanke BiH*što je:*

dana 29.07.2021.godine oko 06,30 sati u Bijeljini [REDACTED] na putnoj komunikaciji centar grada Bijeljina – Agrotični centar Bijeljina, svjesna da je zabranjen promet akciznih proizvoda, suprotno članu 6. Zakona o akcizama Bosne i Hercegovine („Službeni glasnik BiH, broj 49/09, 49/14, 60/14) i čl. 25.27. i 36. Zakona o duhanu Bosne i Hercegovine („Službeni glasnik BiH, broj 32/10), radi sticanja protivpravne imovinske koristi i izbjegavanja plaćanja akciza, pokušala neovlašteno staviti u promet duhanske proizvode koji nisu bili obilježeni kontrolnim i poreznim markicama UINO BiH, na način da je od njoj poznatog kupca kupila 1.600 paklica cigareta raznih marki koje nisu obilježene poreznim markicama UINO BiH za iznos od 3.500,00 KM koje je utovarila u prtljažni dio svog putničkog motornog vozila marke „VW“ tip „Golf IV“ registarskih oznaka BiH [REDACTED], i povezla da proda njoj poznatim kupcima za iznos od 3.650,00 KM do 3.680,00 KM, u čemu je spriječena od strane pripadnika Granične policije, Terenski ured Sjevero-istok, Jedinice granične policije Bijeljina koji su prilikom kontrole a zatim pretresa navedenog vozila pronašli i privremeno oduzeli cigarete bez akciznih markica i to cigarete marki „ROYAL BLUE“ 530 paklica, „FALCON“

580 paklica, „REGINA BLUE“ 300 paklica, „REGINA RED“ 110 paklica i cigarete sa akciznim markicama Crne Gore marke „MONTE“ 80 paklica.

**čime je:**

počinila krivično djelo – nedozvoljen promet akciznih proizvoda iz člana 210a stav 1 u vezi sa članom 26 Krivičnog zakona Bosne i Hercegovine.

**T u ž i l a c**  
**Tužilaštva – Tužiteljstva BiH**